


00959



古文約選序



太史公自序年十歲誦古文

周以前古書皆是也自魏晉

以後藻繪之文興至唐韓氏

起八代之衰然後學者以先

古文約選序

一

秦盛漢辯理論事質而不蕪

者為古文蓋六經及孔子孟

子之書之支流餘肄也我

國家稽古典禮建首善自京師

始博選八旗子弟秀異者並



入於成均

聖上愛育人材闢學舍給資糧俾  
得專力致勤於所學而余以  
非材寔承

寵命以監臨而教習焉竊惟承學

古文約選序

二

之士必治古文而近世坊刻  
絕無善本

聖祖仁皇帝所定淵鑒古文閱博深  
遠非始學者所能徧觀而切  
究也乃約選兩漢書疏及唐

宋八家之文刊而布之以為  
群士楷蓋古文所從來遠矣  
六經語孟其根源也得其枝  
流而義法最精者莫如左傳  
史記然各自成書具有首尾  
不可以分剝其次公羊穀梁  
傳國語國策雖有篇法可求  
而皆通紀數百年之言與事  
學者必覽其全而後可取精  
焉惟兩漢書疏及唐宋八家



之文篇各一事可擇其尤而  
所取必至約然後義法之精  
可見故於韓取者十二於歐  
十一餘六家或二十三而  
取一焉兩漢書疏則百之二

三耳學者能切究於此而以  
求左史公穀語策之義法則  
觸類而通用為制舉之文敷  
陳論策綽有餘裕矣雖然此  
其末也先儒謂韓子因文以

見道而其自稱則曰學古道  
故欲兼通其辟群士果能因  
是以求六經語孟之旨而得  
其所歸躬蹈仁義自勉於忠  
孝則立德立功以仰荅我

古文約選序

五

皇上愛育人材之至意者皆始基  
於此是則余為是編以助流  
政教之本志也夫

雍正十一年春三月和碩果親

王序并書





古文約選凡例

一三傳國語國策史記為古文  
正宗然皆自成一體學者必熟  
讀全書而後能辨其門徑入其  
窠突故是編所錄惟漢人散文  
及唐宋八家專集俾承學治古  
文者先得其津梁然後可溯流  
窮源盡法家之精蘊耳

一周末諸子精深闕博漢唐宋  
文家皆取精焉但世著書主於  
指事類情汪洋恣不可繩以  
篇法其篇法完具者間亦有之

而體制亦別故槩弗採錄覽者  
當自得之

一在昔議論者皆謂古文之衰  
自東漢始非也西漢惟武帝以  
前之文生氣奮動個儻排宕不  
可方物而法度自具昭宣以後  
則漸覺繁重滯澁惟劉子政傑  
出不羣然二繩趨尺步感漢之  
風邈無存矣是編自武帝以後  
至蜀漢所錄僅三之一然尚有  
以事宜講問過而存之者  
一韓退之云漢朝人無不能為



文今觀其書疏吏續類皆雅飭  
可誦茲所錄僅五十餘篇蓋以  
辨古文氣體必至嚴乃不雜也  
既得門徑必從橫百家而後能  
成一家之言退之自言貪多務  
得細大不捐是也

古文約選

凡例

三

一古文氣體所貴清澄無滓澄  
清之極自然而發其光精則左  
傳史記之瑰麗濃郁是也始學  
而求古求典必流為明七子之  
偽體故於宏雜解嘲答賓戲典  
引之類皆不錄雖相如封禪書

亦姑置焉蓋相如天骨超俊不  
從人間來恐學者無從窺尋而  
妄摹其字句則徒敝精神於蹇  
淺耳

一子長世表年表月表序義法  
精深變化迥之子厚讀經子永

古文約選

凡例

四

殊史志論其源並出於此蓋堅  
藝文志七略序淳實淵懿子固  
序羣書目錄介甫序詩書周禮  
義其源並出於此概弗編輯以  
史記漢書治古文者必觀其全  
也獨錄史記自序以其文雖載



家傳後而別為一篇非史記本文耳

一述之永叔介甫俱以誌銘擅長但序事之文義法備於左史述之度左史之格調而陰用其義法永叔摹史記之格調而曲

得其風神介甫度述之、整墨而陰用其步伐學者果能探左史之精蘊則於三家誌銘無事規摹而自與之並矣故於述之諸誌奇崛高古清深者皆不錄錄馬少與柳、州二誌皆度調

頗膚近蓋誌銘宜實徵事迹或  
事迹無可徵乃叙述久故交親  
而出之以我慨焉誌是也或別  
生議論可興可觀柳誌是也於  
永惲獨錄其叙述親故者於介  
甫獨錄其別生議論者各三數  
篇其體製皆師述之俾學者知  
所從入也

一述之自言所學在辨古書之  
正偽與雖正而不至焉者蓋黑  
之不分則所見為白者非真白  
也子厚文筆古雋而義法多疵



歐蘇曾王六間有不合故畧指其瑕俾瑜者不為掩耳

一易詩書春秋及四書一字不可增減文之極則也降而左傳史記韓文雖長篇句字可薙芟者甚少其餘諸家雖罕世傳誦之文義枝穉冗者或不免矣未便劑去始鈎劃於旁俾觀者別擇焉



西漢文約選目錄

過秦論上

過秦論中

過秦論下

陳政事疏

言積貯疏

諫民私鑄錢

言兵事

言畜積疏

西漢文約選

目錄

論募民徙塞下書

再論募民徙塞下書

去帝號上書

獄中上梁孝王書


諫吳王書

漢武帝策賢良制一

漢武帝策賢良制二

漢武帝策賢良制三

雨雹對





諫獵疏

諭巴蜀檄

難蜀父老文

言世務書

言世務書

諭意淮南王

禁民挾弓弩對

史記自序

報任少卿書

西漢文約選

目錄

答蘇武書

尚德緩刑書

報孫會宗書

上書陳兵利害

駁贖罪議

條災異封事

極諫外家封事

諫起昌陵疏

戰國策序

罷珠厓對

法祖治性正家疏

勸戒疏

災異對

移太常博士書

毀廟議

治河奏

諫不受單于朝書

東漢文約選

東漢文約選

目錄

王命論

秦紀論

災異策對

政論

後漢文約選

前出師表

後出師表

韓退之文約選

原性



原鬼

原毀

禘祫議

改葬服議

對禹問

師說

伯夷頌

讀儀禮

讀荀子

韓文約選

目錄

諍臣論

諱辯

張中丞傳後序

獲麟解

龍說

馬說

進學解

送窮文

五箴

游箴

言箴

行箴

好惡箴

知名箴

論佛骨表

復讎狀

上宰相書

後十九日復上書

韓文約選

目錄

後廿九日復上書

上張僕射書

上考功崔虞部書

應科目時與人書

代張籍與李浙東書

與孟東野書

與李翱書

與崔羣書

與鄂州柳中丞書



再與鄂州柳中丞書

與李祕書論小功不稅書

答劉正夫書

答李翊書

答崔立之書

與汝州盧郎中論薦侯喜狀

送鄭尚書序

送幽州李端公序

送殷員外序

韓文約選

目錄

送楊少尹序

送孟東野序

送董邵南序

送王秀才序

送王墳秀才序

送齊皞下第序

送李愿歸盤谷序

送廖道士序

送浮屠文暢師序

送高閑上人序

石鼎聯句詩序

新修滕王閣記

藍田縣丞廳壁記

畫記

太學生何蕃傳

毛穎傳

潮州請置郎校牒

平淮西碑

韓文約選

目錄

殿中少監馬君墓誌

柳子厚墓誌銘

歐陽生哀辭

祭田橫墓文

祭鱷魚文

祭河南張員外文

祭十二郎文

祭鄭夫人文

柳子厚文約選



封建論

四維論

守道論

晉文公問守原議

駁復讐議

桐葉封弟辯

論語辯二篇

辯列子

辯文子

柳文約選

目錄

辯鬼谷子

謗譽

與李翰林建書

寄許京兆孟容書

與楊京兆憑書

與蕭翰林俛書

與劉禹錫論周易九六說書

答元饒州論春秋書

與韓愈論史官書

答韋中立論師道書

賀進士王參元失火書

愚溪詩序

序飲

序碁

梓人傳

種樹郭橐駝傳

宋清傳

天說

柳文約選

目錄

捕蛇者說

館驛使壁記

永州新堂記

邕州馬退山茅亭記

游黃溪記

始得西山宴游記

鈞鋤潭記

鈞鋤潭西小邱記

至小邱西小石潭記



袁家渴記

石渠記

石澗記

小石城山記

柳州山水近治可遊者記

箕子碑

段太尉逸事狀

箏郭師墓誌銘

又祭崔簡神柩歸上都文

柳文約選

目錄

歐陽永叔文約選

論臺諫官言事未蒙聽允書

論臺諫官唐介等宜早牽復劄子

論杜衍范仲淹等罷政事狀

上范司諫書

與高司諫書

與荆南樂秀才書

答吳充秀才書

原弊論

春秋論下

春秋或問

縱囚論

唐書禮樂志論

唐書兵志論

唐書食貨志論

唐書藝文志論

唐書五行志論

五代史職方考論

歐文約選

目錄

五代史司天考論

五代史周臣傳論

五代史唐六臣傳論一

五代史王進傳論

五代史一行傳論

五代史伶官傳論

五代史宦者傳論

梅聖俞詩集序

釋惟儼文集序



釋秘演詩集序

送徐無黨南歸序

送楊寘序

送曾鞏秀才序

送田畫秀才寧親萬州序

詩譜補亡後序

韻總序

集古錄目序

峴山亭記

歐文約選

目錄

真州東園記

菱溪石記

伐樹記

豐樂亭記

醉翁亭記

畫舫齋記

范文正公神道碑銘

太常博士尹君墓誌銘

湖州長史蘇君墓誌銘

徂徠石先生墓誌銘

黃夢升墓誌銘

張子野墓誌銘

尹師魯墓誌銘

孫明復先生墓誌銘

南陽縣君謝氏墓誌銘

石曼卿墓表

河南府司錄張君墓表

右班殿直贈右羽林軍將軍唐君墓表

歐文約選

目錄

十三

胡先生墓表

瀧岡阡表

祭石曼卿文

秋聲賦

讀李翱文

蘇明允文約選

上仁宗皇帝書

上韓樞密書

上歐陽內翰第一書



禮論

樂論

詩論

書論

史論上

史論下

明論

辨姦論

譽妃論

老蘇文約選

目錄

管仲論

審勢論

心術

孫武

子貢

高帝

御將

任相

申法

議法

兵制

田制

張益州畫像記

蘇氏族譜亭記

蘇氏族譜引

族譜後錄上篇

木假山記

名二子說

老蘇文約選

目錄

仲兄字文甫說

送石昌言使北引

蘇子瞻文約選

御試制科策一道

擬進士對御試策

上神宗皇帝書

議學校貢舉劄子

與李方叔書

答謝舉廉書



答劉沔書

答李端叔書

思治論

始皇論一

漢高帝書

魯隱公論二

伊尹論

樂毅論

戰國任俠論

大蘇文約選

目錄

范增論

留侯論

賈誼論

孔子論

荀卿論

韓非論

定何以無正月

策畧四

練軍實

六一居士集序

莊子祠堂記

凌虛臺記

超然臺記

睂州遠景樓記

石鐘山記

表忠觀碑

前赤壁賦

後赤壁賦

大蘇文約選

目錄

日喻

蘇子由文約選

陳州爲張安道論時事書

制置三司條例司論事狀

三宗論

六國論

秦論一

三國論

隋論



唐論

燕論

燕趙論

蜀論

西戎論

臣事策一

臣事策四

臣事策九

臣事策十

民政策一

民政策二

民政策三

武昌九曲亭記

曾子固文約選

移滄州過闕上殿劄子

明州擬辭高麗送遺狀

福州上執政書

與孫司封書

小蘇文約選

目錄

十八

寄歐陽舍人書

戰國策目錄序

南齊書目錄序

梁書目錄序

陳書目錄序

新序目錄序

列女傳目錄序

說苑目錄序

徐幹中論目錄序

曾文約選

目錄

禮閣新儀目錄序

范貫之奏議集序

王子直文集序

先大夫集後序

相國寺維摩院聽琴序

送江任序

贈黎安二生序

序越州鑑湖圖

宜黃縣學記



撫州顏魯公祠堂記

墨池記

越州趙公救菑記

爲人後議

王介甫文約選

上仁宗皇帝言事書

上郎侍郎書

上田正言書

答司馬諫議書

王文約選

目錄

答李資深書

答韶州張殿丞書

周禮義序

書義序

詩義序

虔州學記

慈溪縣學記

度支副使廳壁題名記

信州興造記

芝閣記

遊褒禪山記

周公論

莊周論上

禮論

讀孟嘗君傳

給事中孔公墓誌銘

泰州海陵縣主簿許君墓誌銘

王深甫墓誌銘

王文約選

目錄

亡兄王常甫墓誌銘

臨川王君墓誌銘

祭范潁州文


祭曾博士易占文



西漢文約選

過秦論上

賈誼



秦孝公據殽函之固擁雍州之地君臣固守而窺周室有席卷天下包舉宇內囊括四海之意并吞八荒之心當是時商君佐之內立法度務耕織修守戰之備外連衡而鬪諸侯於是秦人拱手而取西河之外孝公既沒惠王武王蒙故業因遺冊南兼漢中西舉巴蜀東割膏腴之地收要害之郡諸侯恐懼會盟而謀弱秦不愛珍器重寶肥美之地

西漢文約選

賈誼

一

以致天下之士合從締交相與爲一當是時齊有孟嘗趙有平原楚有春申魏有信陵此四君者皆明知而忠信寬厚而愛人尊賢重士約從離衡兼韓魏燕楚齊趙宋衛中山之衆於是六國之士有寧越徐尚蘇秦杜赫之屬爲之謀齊明周最陳軫昭滑樓緩翟景蘇厲樂毅之徒通其意吳起孫臏帶佗兒良王廖田忌廉頗趙奢之朋制其兵嘗以十倍之地百萬之衆叩關而攻秦秦人開關延敵九國之師逡巡遁逃而不敢進秦無亡矢遺鏃之

費。而天下諸侯已困矣。於是從散約解爭割地而奉秦。秦有餘力而制其敝。追亡逐北。伏尸百萬。流血漂鹵。因利乘便。宰割天下。分裂河山。疆國請服。弱國入朝廷。及孝文王。莊襄王。享國日淺。國家無事。及至秦王。續六世之餘烈。振長策而御宇內。吞二周而亡諸侯。履至尊而制六合。執棰拊以鞭笞天下。威振四海。南取百越之地。以爲桂林象郡。百越之君。俛首繫頸。委命下吏。乃使蒙恬北築長城而守藩籬。却匈奴七百餘里。胡人不敢南下而牧

西漢文約選

賈誼

以上

論攻

以下

論守

二

馬士不敢彎弓而報怨。於是廢先王之道。焚百家之言。以愚黔首。墮名城。殺豪俊。收天下之兵。聚之咸陽。銷鋒鑄鐻。以爲金人十二。以弱黔首之民。然後斬華爲城。因河爲池。據億丈之城。臨不測之谿。以爲固。良將勁弩守要害之處。信臣精卒陳利兵而誰何。天下已定。秦王之心。自以爲關中之固。金城千里。子孫帝王萬世之業也。秦王旣沒。餘威振於殊俗。陳涉甕牖繩樞之子。氓隸之人。而遷徙之徒。才能不及中人。非有仲尼墨翟之賢。陶朱猗頓



之富躡足行伍之間而倔起什伯之中率罷散之卒將數百之衆轉而攻秦斬木爲兵揭竿爲旗天下雲集響應羸糧而景從山東豪俊遂竝起而亡秦族矣且夫天下非小弱也以下論攻守之勢。雍州之地殽函之固自若也。陳涉之位非尊於齊楚燕趙韓魏宋衛中山之君。鉏耰棘矜非鏃於句戟長鎩也。適戍之衆非抗於九國之師。深謀遠慮行軍用兵之道非及鄉時之士也。然而成敗異變功業相反也。試使山東之國與陳涉度長絜大比權量力則不可同年而語矣。然秦以區區之地千乘之權招八州而朝同列百有餘年矣。然後以六合爲家殽函爲宮一夫作難而七廟墮身死人手爲天下笑者何也。仁義不施而攻守之執異也。

此篇論秦取天下之勢守天下之道其取之也雖不以仁義而勢則可憑且謀武實過于六國此所以倖而得也乃旣得而因用此以守之則斷無可久之道矣此所以失之易也秦始終仁義不施而成敗異變者以攻守之勢異也

過秦論中

賈誼

秦并海內兼諸侯南面稱帝以養四海天下之士靡然鄉風若是者何也曰近古之無王者久矣周室卑微五霸既歿令不行於天下是以諸侯力政彊侵弱衆暴寡兵革不休士民罷敝今秦南面而王天下是上有天子也既元元之民冀得安其性命莫不虛心而仰上當此之時守威定功安危之本在於此矣秦王懷貪鄙之心行自奮之智不信功臣不親士民廢王道立私權禁文書而酷刑法

西漢文約選

賈誼

四

先詐力而後仁義以暴虐爲天下始夫并兼者高詐力安定者貴順權此言取與守不同術也秦離戰國而王天下其道不易其政不改是之所以取之守之者異也孤獨而有之故其亡可立而待借使秦王計上世之事並殷周之迹以制御其政後雖有淫驕之主而未有傾危之患也故三王之建天下名號顯美功業長久今秦二世立天下莫不引領而觀其政夫寒者利裋褐而饑者甘糟糠天下之磬磬新主之資也此言勞民之易爲仁也鄉



使二世有庸主之行而任忠賢臣主一心而憂海內之患縞素而正先帝之過裂地分民以封功臣之後建國立君以禮天下虛囹圄而免刑戮除去收帑汙穢之罪使各反其鄉里發倉廩散財幣以振孤獨窮困之士輕賦少事以佐百姓之急約法省刑以持其後使天下之人皆得自新更節修行各慎其身塞萬民之望而以威德與天下天下集矣即四海之內皆謹然各自安樂其處惟恐有變雖有狡猾之民無離上之心則不軌之臣無以飾

其智而暴亂之奸止矣。二世不行此術而重之以無道壞宗廟與民更始作阿房宮繁刑嚴誅吏治刻深賞罰不當賦斂無度天下多事吏弗能紀百姓困窮而主弗收恤然後奸僞並起而上下相遁蒙罪者衆刑戮相望於道而天下苦之自君卿以下至於衆庶人懷自危之心親處窮苦之實咸不安其位故易動也。是以陳涉不用湯武之賢不藉公侯之尊奮臂於大澤而天下響應者其民危也。故先王見始終之變知存亡之機是以牧民之道。

務在安之而已。天下雖有逆行之臣，必無響應之助矣。故曰：安民可與行義，而危民易與爲非。此之謂也。貴爲天子，富有天下，身不免於戮殺者，正傾非也。是二世之過也。

此承前篇攻守異勢而言。守天下之道在于安民。始皇既失之于前，二世又失之于後也。前篇以愚黔首以弱天下之民，特虛言始皇之設心。此篇乃列數其虐政，前篇特虛言其失天下之易。此篇則推原其故，由于民勞易動，故陳涉得

藉以爲資，土崩魚爛而不可振救也。



過秦論下

賈誼

秦并兼諸侯山東三十餘郡繕津關據險塞修甲兵而守之然陳涉以戍卒散亂之衆數百奮臂大呼不用弓戟之兵鉏耰白梃望屋而食橫行天下秦人阻險不守關梁不闔長戟不刺強弩不射楚師深入戰於鴻門曾無藩籬之艱於是山東大擾諸侯並起豪俊相立秦使章邯將而東征章邯因以三軍之衆要市於外以謀其上羣臣之不信可見於此矣子嬰立遂不寤藉使子嬰有庸主之才

西漢文約選

賈誼

七

僅得中佐山東雖亂秦之地可全而有宗廟之祀未當絕也秦地被山帶河以爲固四塞之國也自繆公以來至於秦王二十餘君常爲諸侯雄豈世世賢哉其執居然也且天下嘗同心并力而攻秦矣當此之時賢智並列良將行其師賢相通其謀然困於阻險而不能進秦乃延入戰而爲之開關百萬之徒逃壯而遂壞豈勇力智慧不足哉形不利執不便也秦小邑并大城守險塞而軍高壘毋戰閉關據阨荷戟而守之諸侯起於匹夫以利合

非有素王之行也。其交未親。其下未附。名爲亡秦。其實利之也。彼見秦阻之難犯也。必退師安土。息民以待其敝。收弱扶疲。以令大國之君。不患不得意於海內。貴爲天子。富有天下。而身爲禽者。其救敗非也。秦王足已不問。遂過而不變。二世受之。因而不改。暴虐以重禍。子嬰孤立無親。危弱無輔。三主惑而終身不悟。亡不亦宜乎。當此時也。世非無深慮。知化之士也。然所以不敢盡忠拂過者。秦俗多忌諱之禁。忠言未卒於口。而身爲戮沒矣。故使

西漢文約選

賈誼

八

所以稱先  
王者甚庸  
淺蓋賈生  
特管樂之  
儔所見適  
至是而止

天下之士傾耳而聽。重足而立。鉗口而不言。是以三主失道。忠臣不敢諫。智士不敢謀。天下已亂。姦不上聞。豈不哀哉。先王知壅蔽之傷國也。故置公卿大夫士。以飭法設刑。而天下治。其疆也。禁暴誅亂。而天下服。其弱也。五伯征而諸侯從。其削也。內守外附。而社稷存。故秦之盛也。繁法嚴刑。而天下振。及其衰也。百姓怨望。而海內畔矣。故周王序得其道。而千餘歲不絕。秦本末並失。故不長久。繇此觀之。安危之統。相去遠矣。野諺曰。前事之不忘。後



事之師也。是以君子爲國觀之上古，驗之當世，參以人事，察盛衰之理，審權執之宜，去就有序，變化有時，故曠日長久而社稷安矣。

此篇言子嬰不能救敗而深探其本，則由於秦俗忌諱，故三主失道，亂亡形見，而人莫敢言，已終不知因重歎壅蔽之傷國，以總結三篇之義也。古文之法，一篇自爲首尾，此論則聯三篇而更相表裏，脈絡灌輸，輯史記者，誤倒其序，首尾衡決而不可通。昭明文選又獨取首篇，皆不講

於文律耳

班固譏賈子與太史公，弊罪子嬰之枉卓矣，而誼所論自有實理，但謂子嬰有庸主之才，僅得中佐山東，雖亂秦之地可全，而有則未當耳。蓋必雄略如周世宗、唐莊宗，然後能守險以待諸侯之敝，而事勢又各不同。莊宗、世宗，嗣立國人內附，宿將林立，故能履危而安，以弱爲強。秦則民怨於內，將貳於外，雖有莊宗、世宗之略，旬月中亦猝難收拾也。

陳政事疏

賈誼

臣竊惟事執可爲痛哭者一可爲流涕者二可爲長太息者六若其它背理而傷道者難徧以疏舉進言者皆曰天下已安已治矣臣獨以爲未也曰安且治者非愚則諛皆非事實知治亂之體者也夫抱火厝之積薪之下而寢其上火未及然因謂之安方今之執何以異此本末舛逆首尾衡決國制搶攘非甚有紀胡可謂治陛下何不壹令臣得執數之於前因陳治安之策試詳擇焉夫射獵之

西漢文約選

賈誼

十

娛與安危之機孰急使爲治勞智慮苦身體乏鍾鼓之樂勿爲可也樂與今同而加之諸侯執道兵革不動民保首領匈奴賓服四荒鄉風百姓素朴獄訟衰息大數旣得則天下順治海內之氣清和咸理生爲明帝沒爲明神名譽之美垂於無窮禮祖有功而宗有德使顧成之廟稱爲太宗上配太祖與漢亡極建乂安之執成長治之業以承祖廟以奉六親至孝也以幸天下以育羣生至仁也立經陳紀輕重同得後可以爲萬世法程雖有愚幼



不肖之嗣猶得蒙業而安至明也以陛下之明達  
因使少知治體者得佐下風致此非難也其具可  
素陳於前願幸無忽臣謹稽之天地驗之往古按  
之當今之務日夜念此至孰也雖使禹舜復生爲  
陛下計亡以易此夫樹國固必相疑之執下數被  
其殃上數爽其憂甚非所以安上而全下也今或  
親弟謀爲東帝親兄之子西鄉而擊今吳又見告  
矣天子春秋鼎盛行義未過德澤有加焉猶尚如  
是况莫大諸侯權力且十此者乎然而天下少安

西漢文約選

賈誼

十一

何也大國之王幼弱未壯漢之所置傅相方握其  
事數年之後諸侯之王大抵皆冠血氣方剛漢之  
傅相稱病而賜罷彼自丞尉以上徧置私人如此  
有異淮南濟北之爲邪此時而欲爲治安雖堯舜  
不治黃帝曰日中必曩操刀必割今令此道順而  
全安甚易不肯早爲已廼墮骨肉之屬而抗到之  
豈有異秦之季世乎夫以天子之位乘今之時因  
天之助尚憚以危爲安以亂爲治假設陛下居齊  
桓之處將不合諸侯而匡天下乎臣又知陛下有

所必不能矣。假設天下如曩時，淮陰侯尚王，楚黥布王，淮南彭越王，梁韓信王，韓張敖王，趙貫高爲相，盧縮王，燕陳豨在代，令此六七公者皆亡，恙當是時而陛下卽天子位，能自安乎？臣有以知陛下之不能也。天下穀亂，高皇帝與諸公併起，非有仄室之執以豫席之也。諸公幸者，廼爲中涓，其次厘得舍人材之不逮至遠也。高皇帝以明聖威武，卽天子位，割膏腴之地以王諸公，多者百餘城，少者乃三四十縣，惠至渥也。然其後十年之間，反者九起，陛下之與諸公，非親角材而臣之也，又非身封王之也。自高皇帝不能以是一歲爲安，故臣知陛下之不能也。然尚有可諉者，曰：疏臣請試言其親者，假令悼惠王、王齊元王、王楚中子王趙幽王、王淮陽共王、王梁靈王、王燕厲王、王淮南六七貴人，皆亡，恙當是時陛下卽位，能爲治乎？臣又知陛下之不能也。若此，諸王雖名爲臣，實皆有布衣昆弟之心，慮亡不帝制，而天子自爲者，擅爵人，赦死罪，甚者或戴黃屋，漢法令非行也。雖行不軌，如厲王



者令之不肯聽召之安可致乎幸而來至法安可得加動一親戚天下圍視而起陛下之臣雖有悍如馮敬者適啟其口匕首已陷其匈矣陛下雖賢誰與領此故疏者必危親者必亂已然之效也其異姓負彊而動者漢已幸勝之矣又不易其所以然同姓襲是跡而動既有徵矣其執盡又復然殃既之變未知所移明帝處之尚不能以安後世將如之何屠牛坦一朝解十二牛而芒刃不頓者所排擊剝割皆衆理解也至於髀髀之所非斤則斧

夫仁義恩厚人主之芒刃也權執法制人主之斤斧也今諸侯王皆衆髀髀也釋斤斧之用而欲嬰以芒刃臣以爲不缺則折胡不用之淮南濟北執不可也臣竊跡前事大抵彊者先反淮陰王楚最彊則最先反韓信倚胡則又反貫高因趙資則又反陳豨兵精則又反彭越用梁則又反黥布用淮南則又反盧縮最弱最後反長沙迺在二萬五千戶耳功少而最完執疏而最忠非獨性異人也亦形執然也曩令樊鄴絳灌據數十城而王今雖以

殘亡可也。令信越之倫。列爲徹侯而居。雖至今存可也。然則天下之大計可知。已欲諸王之皆忠附。則莫若令如長沙王。欲臣子之勿菹醢。則莫若令如樊鄴等。欲天下之治安。莫若衆建諸侯而少其力。力少則易使以義。國小則亡邪心。令海內之執如身之使臂。臂之使指。莫不制從。諸侯之君不敢有異心。輻湊並進而歸命。天子雖在細民。且知其安。故天下咸知陛下之明。割地定制。令齊趙楚各爲若干國。使悼惠王。幽王。元王之子孫。畢以次各受祖之分地。地盡而止。及燕梁它國。皆然。其分地衆而子孫少者。建以爲國。空而置之。須其子孫生者。舉使君之。諸侯之地。其削頗入漢者。爲徙其侯。國及封其子孫也。所以數償之一寸之地。一人之衆。天子亡所利焉。誠以定制而已。故天下咸知陛下之廉地制。壹定宗室子孫。莫慮不王。下無倍叛之心。上無誅伐之志。故天下咸知陛下之仁。法立而不犯。令行而不逆。貫高利幾之謀。不生。柴竒開章之計。不萌。細民鄉善。大臣致順。故天下咸知陛下



下之義卧赤子天下之上而安植遺腹朝委裘而天下不亂當時大治後世誦聖壹動而五業附陛下誰憚而又不爲此天下之執方病大瘡一脛之大幾如要一指之大幾如股平居不可屈信一二指搗身慮亡聊失今不治必爲錮疾後雖有扁鵲不能爲已病非徒瘡也又苦跋盪元王之子帝之從弟也今之王者從弟之子也惠王親兄子也今之王者兄子之子也親者或亡分地以安天下疏者或制大權以偏天子臣故曰非徒病瘡也又苦跋盪可痛哭者此病是也天下之執方倒縣凡天子者天下之首何也上也蠻夷者天下之足何也下也今匈奴嫚侮侵掠至不敬也爲天下患至亡已也而漢歲致金絮采繒以奉之夷狄徵令是主上之操也天子共貢是臣下之禮也足反居上首顧居下倒縣如此莫之能解猶爲國有人乎非豈倒縣而已又類辟且病痺夫辟者一面病痺者一方痛今西邊北邊之郡雖有長爵不輕得復五尺以上不輕得息斥候望烽燧不得卧將吏被介冑

而睡臣故曰一方病矣醫能治之而上不使可爲流涕者此也陛下何忍以帝皇之號爲戎人諸侯執旣卑辱而旣不息長此安窮進謀者率以爲是固不可解也亡具甚矣臣竊料匈奴之衆不過漢一大縣以天下之大困於一縣之衆甚爲執事者羞之陛下何不試以臣爲屬國之官以主匈奴行臣之計請必係單于之頸而制其命伏中行說而笞其背舉匈奴之衆唯上之令今不獵猛敵而獵田彘不搏反寇而搏畜菟翫細娛而不圖大患非

所以爲安也德可遠施威可遠加而直數百里外威令不信可爲流涕者此也今民賣僮者爲之繡衣絲履偏諸緣內之閑中是古天子后服所以廟而不宴者也而庶人得以衣婢妾白縠之表薄紈之裏纒以偏諸美者黼繡是古天子之服今富人

大賈嘉會召客者以被牆古者以奉一帝一后而節適今庶人屋壁得爲帝服倡優下賤得爲后飾然而天下不屈者殆未有也且帝之身自衣阜綈而富民牆屋被文繡天子之后以緣其領庶人夔



妾緣其履此臣所謂舛也夫百人作之不能衣一人欲天下亡寒胡可得也一人耕之十人聚而食之欲天下亡飢不可得也饑寒切於民之肌膚欲其亡爲姦邪不可得也國已屈矣盜賊直須時耳然而獻計者曰毋動爲大耳夫俗至大不敬也至亡等也至冒上也進計者猶曰毋爲可爲長太息者此也商君遺禮義棄仁恩并心於進取行之二歲秦俗日敗故秦人家富子壯則出分家貧子壯則出贅借父耰鉏慮有德色母取箕箒立而諛語

抱哺其子與公併倨婦姑不相說則反脣而相稽其慈子耆利不同禽獸者亡幾耳然并心而赴時猶曰履六國兼天下功成求得矣終不知反廉愧之節仁義之厚信并兼之法遂進取之業天下大敗衆掩寡智欺愚勇威怯壯陵衰其亂至矣是以大賢起之威震海內德從天下曩之爲秦者今轉而爲漢矣然其遺風餘俗猶尚未改今世以侈靡相競而上亡制度棄禮誼捐廉耻日甚可謂月異而歲不同矣逐利不耳慮非顧行也今其甚者殺

父兄矣盜者剝寢戶之簾奪兩廟之器白晝大都之中剽吏而奪之金矯僞者出幾十萬石粟賦六百餘萬錢乘傳而行郡國此其亡行義之尤至者也而大臣特以簿書不報期會之間以爲大故至於俗流失世壞敗因恬而不知怪慮不動於耳目以爲是適然耳夫移風易俗使天下同心而鄉道類非俗吏之所能爲也俗吏之所務在於刀筆筐篋而不知大體陛下又不自憂竊爲陛下惜之夫立君臣等上下使父子有禮六親有紀此非天之所爲人之所設也夫人之所設不爲不立不植則僵不修則壞筦子曰禮義廉耻是謂四維四維不張國乃滅亡使筦子愚人也則可筦子而少知治體則是豈可不爲寒心哉秦滅四維而不張故君臣乖亂六親殃戮姦人並起萬民離叛凡十三歲而社稷爲虛今四維猶未備也故姦人幾幸而衆心疑惑豈如今定經制令君君臣臣上下有差父子六親各得其宜姦人亡所幾幸而羣臣衆信上不疑惑此業壹定世世常安而後有所持循矣若



夫經制不定是猶度江河亡維楫中流而遇風波  
舩必覆矣。可爲長太息者此也。夏爲天子十有餘  
世而殷受之。殷爲天子二十餘世而周受之。周爲  
天子三十餘世而秦受之。秦爲天子二世而亡。人  
性不甚相遠也。何三代之君有道之長而秦無道  
之暴也。其故可知也。古之王者太子廼生。固舉以  
禮。使士負之。有司齊肅端冕。見之南郊。見於天也。  
過闕則下。過廟則趨。孝子之道也。故自爲赤子而  
教固已行矣。昔者成王幼在襁抱之中。召公爲太  
保。周公爲太傅。太公爲太師。保保其身體。傅傅之  
德義。師道之教訓。此三公之職也。於是爲置三少  
皆上大夫也。曰少保。少傅。少師。是與太子宴者也。  
故廼孩提有識。三公三少固明孝仁禮義。以道習  
之。逐去邪人。不使見惡行。於是皆選天下之端士。  
孝悌博聞有道術者。以衛翼之。使與太子居處出  
入。故太子廼生而見正事。聞正言。行正道。左右前  
後皆正人也。夫習與正人居之。不能毋正。猶生長  
於齊。不能不齊言也。習與不正人居之。不能毋不

正。猶生長於楚之地。不能不楚言也。故擇其所者。必先受業。廼得嘗之。擇其所樂。必先有習。廼得爲之。孔子曰。少成若天性。習貫如自然。及太子少長。知妃色。則入於學。學者所學之官也。學禮曰。帝入東學。上親而貴。仁則親疎有序。而恩相及矣。帝入南學。上齒而貴。信則長幼有差。而民不誣矣。帝入西學。上賢而貴。德則聖智在位。而功不遺矣。帝入北學。上貴而尊。爵則貴賤有等。而下不踰矣。帝入太學。承師問道。退習而考於太傅。太傅罰其不則。而匡其不及。則德智長。而治道得矣。此五學者。旣成於上。則百姓黎民。化輯於下矣。及太子旣冠。成人。免於保傅之嚴。則有記過之史。徹膳之宰。進善之旌。誹謗之木。敢諫之鼓。瞽史誦詩。工誦箴。諫大夫進謀。士傳民語。習與智長。故切而不媿。化與心成。故中道若性。三代之禮。春朝朝日。秋暮夕月。所以明有敬也。春秋入學。坐國老執醬而親。餽之所以明有孝也。行以鸞和步中。采齊趣中。肆夏所以明有度也。其於禽獸。見其生不食其死。聞其聲不



食其肉故遠庖廚所以長恩且明有仁也夫三代之所以長久者以其輔翼太子有此具也及秦而不然其俗固非貴辭讓也所上者告訐也固非貴禮義也所上者刑罰也使趙高傅胡亥而教之獄所習者非斬劓人則夷人之三族也故胡亥今日卽位而明日射人忠諫者謂之誹謗深計者謂之妖言其視殺人若艾草菅然豈惟胡亥之性惡哉彼其所以道之者非其理故也鄙諺曰不習爲吏視已成事又曰前車覆後車誡夫三代之所以長久者其已事可知也然而不能從者是不法聖智也秦世之所以亟絕者其轍迹可見也然而不避是後車又將覆也夫存亡之變治亂之機其要在是矣天下之命縣於太子太子之善在於早諭教與選左右夫心未濫而先諭教則化易成也開於道術智誼之指則教之力也若其服習積貫則左右而已夫胡粵之人生而同聲者欲不異及其長而成俗累數譯而不能相通行有雖死而不相爲者則教習然也臣故曰選左右早諭教最急夫教

得而左右正則太子正矣太子正而天下定矣書曰一人有慶兆民賴之此時務也凡人之智能見已然不能見將然夫禮者禁於將然之前而法者禁於已然之後是故法之所用易見而禮之所爲至難知也若夫慶賞以勸善刑罰以懲惡先王執此之政堅如金石行此之令信如四時據此之公無私如天地耳豈顧不用哉然而曰禮云禮云者貴絕惡於未萌而起教於微眇使民日遷善遠臯而不自知也孔子曰聽訟吾猶人也必也使毋訟

乎爲人主計者莫如先審取舍取舍之極定於內而安危之萌應於外矣安者非一日而安也危者非一日而危也皆以積漸然不可不察也人主之所積在其取舍以禮義治之者積禮義以刑罰治之者積刑罰積而民怨背禮義積而民和親故世主欲民之善同而所以使民善者或異或道之以德教或毆之以法令道之以德教者德教洽而民氣樂毆之以法令者法令極而民風哀哀樂之感禍福之應也秦王之欲尊宗廟而安子孫與



湯武同然而湯武廣大其德行六七百歲而弗失  
秦王治天下十餘歲則大敗此亡它故矣湯武之  
定取舍審而秦王之定取舍不審矣夫天下大器  
也今人之置器置諸安處則安置諸危處則危天  
下之情與器亡以異在天子之所置之湯武置天  
下於仁義禮樂而德澤洽禽獸草木廣裕德被蠻  
貊四夷累子孫數十世此天下所共聞也秦王置  
天下於法令刑罰德澤亡一有而怨毒盈於世下  
憎惡之如仇讐旤幾及身子孫誅絕此天下之所

共見也是非其明效大驗邪人之言曰聽言之道  
必以其事觀之。則言者莫敢妄言。今或言禮誼之  
不如法令。教化之不如刑罰。人主胡不引殷周秦  
事以觀之也。人主之尊譬如堂。羣臣如陛。衆庶如  
地。故陛九級上。廉遠地。則堂高。陛亡級。廉近地。則  
堂卑。高者難攀。卑者易陵。理執然也。故古者聖王  
制爲等列。內有公卿大夫士。外有公侯伯子男。然  
後有官師小吏。延及庶人。等級分明。而天子加焉。  
故其尊不可及也。里諺曰。欲投鼠而忌器。此善諭

也鼠近於器尚憚不投恐傷其器况於貴臣之近主乎廉耻節禮以治君子故有賜死而亡戮辱是以黥劓之臯不及大夫以其離主上不遠也禮不敢齒君之路馬蹙其芻者有罰見君之几杖則起遭君之乘車則下入正門則趨君之寵臣雖或有過刑戮之臯不如其身者尊君之故也此所以爲主上豫遠不敬也所以體貌大臣而厲其節也今自王侯三公之貴皆天子之所改容而禮之也古天子之所謂伯父伯舅也而今與衆庶同黥劓髡削笞僇棄市之法然則堂不亡陛乎被戮辱者不泰迫乎廉耻不行大臣無廼握重權大官而有徒隸亡恥之心乎夫望夷之事二世見當以重法者投鼠而无忌器之習也臣聞之履雖鮮不加於枕冠雖敝不以首履夫嘗已在貴寵之位天子改容而體貌之矣吏民嘗俯伏以敬畏之矣今而有過帝令廢之可也退之可也賜之死可也滅之可也若夫束縛之係縲之輸之司寇編之徒官司寇小吏詈罵而榜笞之殆非所以令衆庶見也夫卑賤



者習知尊貴者之一旦吾亦適可以加此也。非所以習天下也。非尊尊貴貴之化也。夫天子之所嘗敬衆庶之所嘗寵死而死耳。賤人安宜得如此而頓辱之哉。豫讓事中之君智伯伐而滅之。移事智伯及趙滅智伯。豫讓釁面吞炭必報襄子。五起而不中人。問豫子。豫子曰。中行衆人畜我。我故衆人事之。智伯國士遇我。我故國士報之。故此一豫讓也。反君事讐行若狗彘已而抗節致忠。行出乎列士人主使然也。故主上遇其大臣如遇犬馬。彼將犬馬自爲也。如遇官徒。彼將官徒自爲也。頑頓亡恥。莫諾亡節。廉恥不立。且不自好。苟若而可。故見利則逝。見便則奪。主上有敗則因而挺之矣。主上有患則吾苟免而已。立而觀之耳。有便吾身者則欺賣而利之耳。人主將何便於此羣下至衆。而主上至少也。所託財器職業者。粹於羣下也。俱亡恥。俱苟妄。則主上最病。故古者禮不及庶人。刑不至大夫。所以厲寵臣之節也。古者大臣有坐不廉而廢者。不謂不廉。曰簠簋不飾。坐污穢淫亂男女。

無別者不曰污穢曰帷薄不修坐罷軟不勝任者不謂罷軟曰下官不職故貴大臣定有其臯矣猶未斥然正以呼之也尚遷就而爲之諱也故其在大譴大何之域者聞譴何則白冠鰲纓盤水加劔造請室而請臯耳上不執縛係引而行也其有中罪者聞命而自弛上不使人頸盞而加也其有大臯者聞命則北面再拜跪而自裁上不使摔抑而刑之也曰子大夫自有過耳吾遇子有禮矣遇之有禮故羣臣自憙嬰以廉恥故人矜節行上設廉

西漢文約選

賈誼

二十六

恥禮義以遇其臣而臣不以節行報其上者則非人類也故化成俗定則爲人臣者主耳忘身國耳忘家公耳忘私利不苟就害不苟去唯義所在上之化也故父兄之臣誠死宗廟法度之臣誠死社稷輔翼之臣誠死君上守圉扞敵之臣誠死城郭封疆故曰聖人有金城者此物此志也彼且爲我死故吾得與之俱生彼且爲我亡故吾得與之俱存夫將爲我危故吾得與之皆安顧行而忘利守節而仗義故可以託不御之權可以寄六尺之孤

語本管子  
而意更警  
策



此厲廉恥行禮誼之所致也。主上何喪焉。此之不為而顧彼之久行故曰可為長太息者此也。

